

# UiTM muncul naib juara Sukipt 2018

**BERSEMANGAT.** Kira-kira 483 orang atlet dan pegawai Universiti Teknologi Mara (UiTM) menyertai Sukan Institusi Pendidikan Tinggi (SUKIPT) 2018 edisi keempat yang diadakan di Universiti Kebangsaan Malaysia (UKM), Bangi, Selangor baru-baru ini.

Majlis penyerahan bendera Kontinjen UiTM ke Sukipt 2018 disempurnakan oleh Timbalan Naib Canselor Hal Ehwal Pelajar UiTM, Prof. Datuk Dr. Abdullah Mohamad Said kepada Pengarah Pembangunan Pelajar

UiTM, Dr. Mohd. Bahrin Othman selaku Ketua kontinjen UiTM.

Abdullah berkata, UiTM mengambil bahagian kesemua 27 acara yang dipertandingkan pada temasya sukan tersebut.

Pada temasya sukan yang berlangsung pada 2 hingga 10 Februari itu, UiTM muncul sebagai naib johan apabila berjaya menggondol 42 pingat emas, perak (37) dan gangsa (35).

UPM yang muncul juara meraih 44 pingat emas, perak (41) dan gangsa (33).



**ATLET** Sukipt 2018 mengibarkan bendera kontinjen UiTM pada majlis penyerahan bendera kejohanan tersebut di UiTM, Shah Alam baru-baru ini.